

## ՀԱՇՎԵՏՎՈՒԹՅՈՒՆ

2023թ. մարտի 21-ից 25-ը շրջակա միջավայրի նախարարի տեղակալ Գայանե Գաբրիելյանի՝ Նյու Յորք (Ամերիկայի Միացյալ Նահանգներ) գործուղման արդյունքների վերաբերյալ

1. ԳՈՐԾՈՂՎԱԾ ԱՆՁ  
Գայանե Գաբրիելյան
2. ԶԲԱՂԵՑՐԱԾ ՊԱՇՏՈՆԸ  
Շրջակա միջավայրի նախարարի տեղակալ
3. ԳՈՐԾՈՂՄԱՆ ՎԱՅՐԸ ԵՎ ԺԱՄԿԵՏԸ  
Նյու Յորք (Ամերիկայի Միացյալ Նահանգներ)  
2023թ. մարտի 21-ից 25-ը
4. ՀՐԱՎԻՐՈՂ ԿՈՂՄԸ  
ՄԱԿ
5. ԳՈՐԾՈՂՄԱՆ ՆՊԱՏԱԿԸ  
Մասնակցելու «Ջուրը կայուն զարգացման համար» համաժողովին
6. ՔՆՆԱՐԿՎԱԾ ԹԵՄԱՆԵՐԸ

«Ջուրը կայուն զարգացման համար» եռօրյա համաժողովը կազմակերպվել էր Նիդերլանդների Թագավորության և Տաջիկստանի Հանրապետության կողմից Կայուն զարգացման 6-րդ նպատակներին (SDG6) հասնելու նպատակով, որոնք են ներառում են մինչև 2030 թվականը բոլոր մարդկանց անվտանգ ջրի և սանիտարական ջրահեռացման հասանելիություն ապահովումը:

Համաժողովի քննարկումներին մասնակցել են երկրների ղեկավարներ, նախարարներ, փոխնախարարներ, բիզնես առաջնորդներ, գիտնականներ: Հայաստանի Հանրապետությունից համաժողովին մասնակցել է Գայանե Գաբրիելյանի գլխավորած պատվիրակությունը, որի կազմում ընգրկված է ՏԿԵՆ Զրային կոմիտեի նախագահի տեղակալ Կարեն Դադբաշյանը:

Մասնակից երկրները ներկայացրել են ԿԶՆ6-ի (Մաքուր ջուր և սանիտարական պայմաններ) և այլ ԿԶՆ-ների միջև փոխկապակցվածության վերաբերյալ համապատասխան տեղեկատվություն և կիսվել են ջրի հետ փոխկապակցված ԿԶՆ-ների իրականացման ուղղությամբ ազգային փորձի լավագույն օրինակներով, ինչպես նաև առաջարկներով:

Համաժողովի շրջանակներում տեղի է ունեցել վեց ինտերակտիվ երկխոսություն, որոնցից հինգին մասնակցել է Գայանե Գաբրիելյանը հետևյալ թեմաներով.

- «Ջուրը հանուն առողջության» (*Water for Health: Access to WASH, including the Human Rights to Safe Drinking Water and Sanitation*),
- «Ջուրը հանուն կայուն զարգացման» (*Water for Sustainable Development: Valuing Water, Water-Energy-Food Nexus and Sustainable Economic and Urban Development*),
- «Ջուրը կլիմայի համար» (*Water for Climate, Resilience and Environment: Source to Sea, Biodiversity, Climate, Resilience and DRR*),

- «Ջրային համագործակցություն. անդրասահմանային և միջազգային ջրային համագործակցության համար» (*Water for Cooperation: Transboundary and International Water Cooperation, Cross Sectoral Cooperation, including Scientific Cooperation, and Water Across the 2030 Agenda*)

- «Ջրային գործողությունների տասնամյակ» Տասնամյակի նպատակների իրականացման արագացում, այդ թվում՝ ՄԱԿ-ի Գլխավոր քարտուղարի Գործողությունների ծրագրի միջոցով (*Water Action Decade: Accelerating the implementation of the objectives of the Decade, including through the UN Secretary-General's Action Plan*):

## **7. ՀԱՆԴԻՊՈՒՄՆԵՐԸ, ԵԼՈՒՅԹՆԵՐԸ, ԲԱՐՁՐԱՑՎԱԾ ԿԱՄ ՔՆՆԱՐԿՎԱԾ ՀԱՐՑԵՐ**

Գայանե Գաբրիելյանը ՄԱԿ-ի «Ջրի համաժողով 2023»-ին հանդես է եկել ՄԱԿ-ի գլխավոր ասամբլեայի ելույթով, որի ժամանակ անդրադարձել է ջրի և ջրահեռացման կայուն կառավարմանն առնչվող Հայաստանի առաջնահերթություններին և ընդգծել միջազգային համագործակցության կարևորությունը ՄԱԿ-ի Կայուն զարգացման 6-րդ նպատակի իրականացման գործում:

Նախարարի տեղակալը անդրադարձել է ջրային ոլորտում արդյունավետ կառավարմանն ուղղված Հայաստանի Հանրապետության քայլերին: Մասնավորապես նշվել է, որ.

- Հայաստանի Հանրապետությունը դիտարկում է ջրային ազգային քաղաքականության մոտարկումը ՄԱԿ-ի Բազմակողմ բնապահպանական համաձայնագրերի հետ, ինչպիսին է Ջրի և Առողջության մասին ՄԱԿ-ի ԵՏՀ Արձանագրությունը՝ համաձայն Անդրասահմանային ջրային հոսքերի և միջազգային լճերի պաշտպանության և օգտագործման կոնվենցիայի, կամ այլ գլոբալ պարտավորությունների, ինչպիսիք են ՄԱԿ-ի Կայուն զարգացման նպատակները՝ որպես ջրային ռեսուրսների համալիր կառավարման սկզբունքներին համահունչ լրացուցիչ լծակ:
- Թեև Հայաստանը դեռևս չի վավերացրել այս կոնվենցիան և արձանագրությունները, դրանք ծառայում են որպես ուղեցույց ազգային քաղաքականության մշակման ժամանակ: Հայաստանը պարբերաբար կամավոր զեկույցներ է ներկայացնում Միավորված ազգերի կազմակերպությանը, մասնավորապես Ջրի և Առողջության մասին Արձանագրության վերաբերյալ, և այս առումով զգալի առաջընթաց է ձեռք բերվել ազգային ոլորտային թիրախները և Գործողությունների ծրագրերը Արձանագրությանը համապատասխանեցնելու հարցում: 2020 թվականին Հայաստանը մշակել է Կայուն զարգացման 6-րդ նպատակին հասնելու ռազմավարությունը, որը ներառում է մանրամասն ելակետային վերլուծություն և Կայուն զարգացման նպատակների թիրախներին հասնելու սպառնալիքների բացահայտում:
- Ջրային քաղաքականության հիմնական բարեփոխումները Հայաստանի և Եվրամիության միջև 2017 թվականին

ստորագրված Համապարփակ և ընդլայնված գործընկերության համաձայնագրի մաս են կազմում: Համաձայնագիրը նախատեսում է ժամանակին համահունչ և հավակնոտ պարտավորություններ ջրային ռեսուրսների և որակի ոլորտում՝ կապված քաղաքային կեղտաջրերի մաքրման, խմելու ջրի, նիտրատների և ջրհեղեղների հարցերի հետ:

- Ջրային օրենսգրքի 2022 թվականի փոփոխությունները Հայաստանի օրենսդրությունը մեկ քայլով մոտեցրել են միջազգային լավագույն փորձին՝ ներառելով ջրի և սանիտարական հավասար հասանելիության, ինչպես նաև կլիմայի փոփոխության խնդիրները:
- 2022 թվականին Հայաստանի Հանրապետության կառավարությունն ընդունել է Ջրային ոլորտի հարմարվողականության ծրագիրը և իր 5-ամյա Գործողությունների Ծրագիրը՝ կլիմայի փոփոխության նկատմամբ երկրի ջրային ռեսուրսների աճող խոցելիության դեմ պայքարելու նպատակով:
- Հայաստանի Հանրապետությունը 1999 թվականին ստորագրել է ՄԱԿ-ի Եվրոպական տնտեսական հանձնաժողովի «Ջրի և առողջության մասին» արձանագրությունը և ներկայումս վերանայում է վավերացման մարտահրավերներն ու հնարավորությունները:
- 2017 թվականին Հայաստանի և ԵՄ-ի միջև ստորագրված «Համապարփակ և ընդլայնված գործընկերության համաձայնագիրը» ջրային քաղաքականության մեկ այլ կարևոր բարեփոխում է, որը ջրային ռեսուրսների և որակի ոլորտում պարունակում է հավակնոտ պարտավորություններ:
- Հայաստանի Հանրապետության կառավարության ծրագիրը հստակ սահմանում է այն բոլոր ուղղությունները և միջոցառումները, որոնք աջակցում են ջրային ոլորտում կառավարության կողմից մշակված ռազմավարության կյանքի կոչմանը: Այդ ամենն իր մեջ ներառում է գետավազանային կառավարման պլանի մշակումը, խմելու ջրի և ոռոգման համակարգի կազմակերպումը և կեղտաջրերի մշակումը և հեռացումը, ինչպես նաև մշտադիտարկման և մոնիթորինգի կազմակերպումը:

Ելույթի ժամանակ անդրադարձ է կատարվել նաև Ադրբեջանի պատվիրակության կողմից ջրային օրակարգը Հայաստանին ուղղված ապատեղեկատվությունը տարածելու բացահայտ չարաշահմանը: Քանի որ Ադրբեջանի նախարարի կողմից փորձ է կատարվել Լեռնային Ղարաբաղում 120 հազար բնակչության շրջափակումը ներկայացնել որպես «բնապահպանական բողոք», Գայանե Գաբրիելյանը հիշատակել է Արդարադատության միջազգային դատարանի փետրվարի 22-ի որոշումը, որով Ադրբեջանին պարտավորեցրել է «ձեռնարկել իր տրամադրության տակ եղած բոլոր միջոցները՝ ապահովելու մարդկանց, տրանսպորտային միջոցների և բեռների անարգել տեղաշարժը Լաչինի միջանցքով երկու ուղղություններով», սակայն մինչ օրս Ադրբեջանը չի կատարել Դատարանի օրինական պարտավորեցնող հրամանը:

Գայանե Գաբրիելյանը հանդես է եկել ելույթներով «Ջուրը հանուն առողջության», «Ջուրը հանուն կայուն զարգացման», «Ջուրը կլիմայի համար» երկխոսությունների ժամանակ: Մասնավորապես նշվել է.

- Հայաստանի կառավարության համար ջրի ոլորտում անդրսահմանային և տարածաշրջանային համագործակցության կարևորությունը: Ամբողջությամբ գտնվելով Կուր-Արաքս գետի ավազանում՝ Հայաստանն ունի մի շարք երկկողմ համաձայնագրեր ջրերի միջազգային օգտագործման վերաբերյալ, ներառյալ Արաքսի անդրսահմանային գետի մակերևութային ջրերի որակի համատեղ մոնիտորինգի հաջողությամբ պասկված միջկառավարական պայմանագիրը:
- տնտեսական գործիքների կիրառման ընդլայնման տարբերակների ուսումնասիրության անհրաժեշտությունը: Ընդգծվել է միջազգային գործընկերների ֆինանսական մոբիլիզացման կարևորությունը՝ զարգացող երկրներում առաջնահերթ միջոցառումներ իրականացնելու համար: Կարևորվել է տնտեսությունը, ֆինանսները և բնապահպանությունը եռակողմ հարթակում դիտարկելու կարևորությունը՝ հաջողության հասնելու համար:
- ջրային ռեսուրսների կառավարման ռազմավարությունների առաջնահերթության կարևորությունը, որը կարևոր դեր է խաղում առողջության, տնտեսությունների և բնական միջավայրի համար: Աժխաձնի և ջրային ռեսուրսների ախտահանման մեղմացումը հիմնական պարտավորություններն են ապագա սերունդների կայուն զարգացման համար: Հայաստանի Հանրապետությունը լիովին հավատարիմ է արդյունավետ միջազգային համագործակցությանը՝ Ջրային Գործողությունների Օրակարգի իրականացման և կայուն զարգացման քաղաքականության մեջ ջրի և սանիտարական օրակարգի ավելի լավ ինտեգրվելու ուղղությամբ:

#### 8. ՀԱՆԴԻՊՄԱՆ ԿԱՄ ՀԱՎԱՔԻ ԺԱՄԱՆԱԿ ԸՆԴՈՒՆՎԱԾ ՈՐՈՇՈՒՄՆԵՐԸ, ՊԱՅՄԱՆԱՎՈՐՎԱԾՈՒԹՅՈՒՆՆԵՐԸ, ՍՏՈՐԱԳՐՎԱԾ ՓԱՍՏԱԹՂԹԵՐԸ

Այցի ժամանակ ձեռք է բերվել պայմանավորվածություն մի շարք քայլերի իրականացման վերաբերյալ՝ բնապահպանական մարտահրավերներին կայուն, արդար և ճկուն լուծումներով դիմագրավելու նպատակով:

Ջրային համաժողովը ավարտվել է Ջրային գործողությունների օրակարգի ընդունմամբ, որը պարունակում է գրեթե յոթ հարյուր պարտավորություններ, որոնք ներառում են գործողությունների լայն շրջանակ՝ կարողությունների զարգացում, տվյալների և մոնիտորինգի համակարգերի, ենթակառուցվածքների ճկունության բարելավում:

Համաժողովի մյուս կարևոր արդյունք է ՄԱԿ-ի Գլխավոր ասամբլեայի նախագահի ամփոփագիրը, որը ներառում է բազմաթիվ գաղափարներ, առաջարկություններ և լուծումներ:

**9. ԱՌԱՋԱՐԿՈՒԹՅՈՒՆՆԵՐԸ, ԴՐԱՆՑ ԸՆԹԱՑՔ ՏԱԼՈՒ ՎԵՐԱԲԵՐՅԱԼ ԱՌԱՋԱՐԿՆԵՐԸ՝ ԵՂԱՆԱԿԸ, ՁԵՎԸ, ԺԱՄԿԵՏՆԵՐԸ, ՊԱՏԱՍԽԱՆԱՏՈՒՆԵՐԸ, ԱԿՆԿԱԼՎՈՂ ԱՐԴՅՈՒՆՔՆԵՐԸ**


Հանդիպման ավարտին կողմերը հույս են հայտնել, որ այս համաժողովում ստանձնած պարտավորությունները մարդկությանը համար կապահովեն ջրի անվտանգ ապագա:

Դրան հասնելու համար ՄԱԿ Գլխավոր քարտուղարը կարևորել է առանցքային փոփոխությունները՝ անվտանգ ջրի, սանիտարական և հիգիենայի հասանելիության ապահովման համար: Կառավարություններին կոչ է արվել մշակել և իրականացնել ծրագրեր, որոնք կապահովեն ջրի հավասար հասանելիություն բոլոր մարդկանց համար՝ միաժամանակ նպաստելով ջրի պահպանմանը:

Համաժողովն նշանակալից է և՛ ջրի ճգնաժամի առաջացրած լուրջ մարտահրավերների հստակ ըմբռնման, և՛ դրա լուծման համար արդյունավետ լուծումներ գտնելու համար: Այս նախաձեռնության հետամուտ լինելն համահունչ է կլիմայի գլոբալ օրակարգի իրականացման ստանձնած պարտավորություններին և պահանջում է արդյունավետ համագործակցություն բոլոր գործընկերների հետ:

Հաջորդ համաժողովն առաջարկվել է անցկացնել Տաջիկստանում 2028 թվականին:

Շրջակա միջավայրի նախարարի տեղակալ



Գայանե Գաբրիելյան

30.03.2023թ.